



**MASTER UNIVERSITAR I NIVELIT TË DYTË
ORTODONCI**

EDICIONI I PARË, VITI AKADEMIK 2009-2010
TIRANË

Universiteti "Zoja e Këshillit të Mirë" në bashkëpunim me Universitetin "Tor Vergata" të Romës, çel për vitin akademik 2009-2010 Masterin Universitar të Nivelit të Dytë në "Ortodonci", për të ofruar një formim për të gjithë ata që duan të zhvillojnë kompetenca profesionale të nevojshme për të administruar një rast klinik në Ortodonci, që nga diagnoza deri te programimi dhe zbatimi i një plani trajtimi, duke u përgatitur në këtë mënyrë për të përballuar e administruar rastet klinike sipas teknikave të ndryshme Ortodontike.

Masteri do të shtrihet në 2 VITE Akademike dhe finalizohet me përfitimim e 60 krediteve ECTS/CFU të parashikuara.

ART 1 – OBJEKTIVAT FORMUES

Të diplomuarit në kursin Master të Nivelit të Dytë në Ortodonci duhet:

- Të zotërojnë një njohje të metodikave diagnostike të vlefshme për formulimin e një terapie ortodontike të kompletuar dhe korrekte;
- Të zotërojnë njohje të teknikave të ndryshme të përballjes fillestare me pacientët ortodontikë të të gjitha fashave të moshës;
- Të krahasojnë filozofitë e ndryshme ortodontike;
- Të thellojnë studimin e disa fazave klinike me referim të veçantë për pacientët që janë në përfundim të fazës së rritjes.

ART 2 - PRAKTIKË PROFESIONALE DHE STAZH

Për sa u tha më lart kurrikulat e këtij masteri të nivelit të dytë parashikojnë, në lidhje me objektivat e formimit profesional, aktivitete të jashtme klinike si praktikë profesionale dhe stazhe formuese pranë Klinikave Stomatologjike Universitare.



UNIVERSITETI "ZOJA E KËSHILLIT TË MIRË"

ART 3. KRITERET E PRANIMIT

Mund të marrin pjesë kandidatët e diplomuar pranë:

- a. Universiteteve publike shqiptare;
- b. Universiteteve private shqiptare, diploma në fjalë e të cilave është akredituar nga Ministria e Arsimit dhe Shkencës në momentin e lëshimit të saj;
- c. Universiteteve publike dhe private italiane të njohura nga MIUR;
- d. Universiteteve publike dhe private të vendeve të Bashkimit Evropian, në rastin kur njihen nga qeveritë e tyre;
- e. Universiteteve publike dhe private të vendeve të tjera nga BE dhe Shqipëria, pasi të jetë kontrolluar përputhshmëria e kurrikulave të studimit.

Mund të marrin pjesë kandidatët në zotërim të një:

- a. Diplomë të integruar të nivelit të dytë ose Diplomë të sistemit të vjetër (kurs me një kohezgjatje minimumi katërvjeçare) në Stomatologji.

ART 4 – KRITERET E PJESËMARRJES

Kërkesës për pjesëmarrje në përzgjedhjen për pranimin në kursin Master të Nivelit të Dytë në Ortodonci, të drejtuar Rektorit, të plotësuar në modelin e posaçëm të shkarkueshëm në adresën internetit www.unizkm.al (moduli A) i duhen bashkangjitur dokumentet e mëposhtme:

- Fotokopje e noterizuar e certifikatës së lauras / diplomës dhe certifikatës së notave;
- Curriculum Vitae et Studiorum në italisht;
- Fotokopje të noterizuar të dokumentit të identitetit (pasaportë ose kartë identiteti)
- Tituj të tjerë të vlerësueshëm (kurse trajnimi ose specializime, kurse gjuhe, master, doktatura) të noterizuara;
- Mandatin e arkëtimit prej 3000 Lek (jo të rimbursueshme) si tarifë regjistrimi, që derdhen pranë sporteve të sekretarisë së Universitetit "Zoja e Këshillit të Mirë".

Kërkesa duhet të dorëzohet pranë Sekretarisë së Fakultetit Mjekësor deri në orën 12:00 të ditës 15 Prill 2010. Kërkesat që do të dërgohen pas afatit të mësipërm nuk do të pranohen.

Kërkesa dhe dokumentet e bashkangjitura duhet të dorëzohen në një zarf të hapur mbi të cilin shënohet emri dhe mbiemri i kandidatit dhe mbishkrimi **Master Universitar i Nivelit të Dytë në "Ortodonci"**.

Sekretaria do të lëshojë një deklaratë që vërteton dorëzimin e dokumentave ku do të shënohen data, ora dhe dokumentat e dorëzuara. Një kopje e kësaj deklaratë i bashkangjitet dokumentave të dorëzuara nga kandidati.



UNIVERSITETI "ZOJA E KËSHILLIT TË MIRË"

ART 5. KRITERET E SELEKSIONIMIT

Numri maksimal i studentëve që do të pranohen do të jetë 40.

Masteri nuk do të aktivizohet në rast se nuk do të arrihet numri minimal 15 i studentëve.

Vlerësimi i kandidaturave dhe seleksionimi i kandidatëve fitues do të bëhet nga një komision i posaçëm.

Kandidatët duhet të paraqiten në provën e seleksionimit me një dokument të vlefshëm identiteti (pasaportë ose kartë identiteti).

Seleksionimi do të bëhet në bazë të vlerësimit të titujve dhe të një interviste profesionale në gjuhën italiane.

Rezultati përfundimtar do të jepet nga shuma e pikëve të marra (rezultati maksimal 70).

Kriteret e vlerësimit të titujve dhe provave të pranimit:

1. deri më 30 pikë për titujt e mëposhtëm:
 - a. nota e Laureas/diplomës deri më 20 pikë
 - b. diploma trajnimi ose specializimi, master, doktoratura deri më 10 pikë në bazë të kohëzgjatjes së kursit dhe të përputhshmërisë së planit didaktik;
2. deri më 20 pikë për Curriculum Vitae;
3. deri më 20 pikë për intervistën.

Intervista profesionale do të zhvillohet pranë Universitetit "Zoja e Këshillit të Mirë", më datë 16 Prill 2010 në orën 16:00 sipas listës që do të afishohet pranë Sekretarisë së Fakultetit të Mjekësisë.

Në rast rezultati të barabartë kalon përpara kush ka marrë rezultat më të lartë në intervistë. Do të pranohen në master ato që, në lidhje me numrin e vendeve, do të jenë në pozicion të vlefshëm në renditje, e cila do të bëhet në bazë të rezultatit të përgjithshëm për çdo kandidat.

Renditja zyrtare do të afishohet më datë 20 Prill 2010 pranë Sekretarisë së Fakultetit të Mjekësisë.

ART 6. KRITERET E REGJISTRIMIT

Fituesit duhet të dorëzojnë pranë Sekretarisë së Fakultetit të Mjekësisë, brenda dhe jo më vonë se më 21 Prill 2010:

- kërkesën e regjistrimit të plotësuar dhe të firmosur (moduli gjendet pranë Sekretarisë së Fakultetit të Mjekësisë ose mund të shkarkohet nga adresa internet www.unizkm.al (moduli B);
- fotokopje e mandat pagesës prej € 6.000,00, që mund të paguhet sipas mënyrave të mëposhtme:
 - kësti i parë € 3.000,00 (deri tre ditë para fillimit të kursit)
 - kësti i dytë € 3.000,00 (brenda 20/02/2011)
 - me një pagesë të vetme € 6.000,00 (deri tre ditë para fillimit të kursit)



UNIVERSITETI "ZOJA E KËSHILLIT TË MIRË"

- me anë të një pagese në bankë në emër të: Universiteti Zoja e Këshillit të Mirë. Moduli mund të tërhiqet pranë Zyrës së Financës të këtij Universiteti, nga e hëna në të premte, nga ora 9:00 deri 14:30.
- Laurea/diploma origjinale bashkë me çertifikatën origjinale të notave;
- Një fotografi format dokumenti;
- Fotokopje e një dokumenti identiteti (pasaportë, kartë identiteti)
- Nuk do të pranohen kërkesa me dokumentacion jo të plotë.

Kandidatët fitues që duan të heqin dorë nga regjistrimi duhet t'ja komunikojnë me deklaratë të shkruar Sekretarisë së Fakultetit të Mjekësisë duke i bashkangjitur një fotokopje të një dokumenti identiteti (pasaportë, kartë identiteti), në mënyrë që të bëhet rishpërndarja e vendeve.

Fotokopja e pagesave të kësteve të mëtejshme i duhen dorëzuar zyrës kompetente, në mungesë të këtyre nuk mund të kërkohen çertifikata dhe nuk gëzohet e drejta për të mbrojtur titullin.

Sekretaria e Fakultetit Mjekësisë nuk mban përgjegjësi për vonesa të mundshme në dorëzimin e dokumentave ose për dokumentacion jo të plotë.

Kandidatët në zotërim të një diplome të ndryshme nga ato të përmendura në këtë thirrje, duhet të paraqesin aktin e njohjes nga ana e Ministrisë së Arsimit dhe Shkencës. Përndryshe vlerësimi do ti jepet për shqyrtim një Komisioni të posaçëm.

Kandidatët fitues që nuk do të përfundojnë regjistrimin brenda afatit të vendosur do të konsiderohen sikur kanë hequr dorë dhe vendet e tyre do ti zënë kandidatët vijues në listë sipas renditjes zyrtare: për këta afati i fundit i regjistrimit do të jetë data e fillimit të kursit.

Kuota e regjistrimit nuk mund të rimbursohet në asnjë mënyrë, përveç se në rast të mosaktivizimit të kursit Master.

Masteri do të fillojë më datë 23 Prill 2010.

ART 7. MËNYRA E ZHVILLIMIT

Realizimi programit të masterit do të shtrihet në dy vjet, i ndarë në module, secili me një kohëzgjatje prej 2 ditësh. Leksionet do të zhvillohen pranë auditoreve të kampusit të Universitetit "Zoja e Këshillit të Mirë", Rruga e Durrësit, në Tiranë. Leksionet do të zhvillohen të Premten dhe të Shtunën gjithë ditën në javët e parashikuara në kalendarin didaktik që do të përcaktohen nga Drejtuesi i Masterit.

Pjesëmarrja është e detyrueshme. Është parashikuar një provim verifikimi lidhur me argumentet e trajtuara në modulet e ndryshme në fund të çdo viti. Leksionet do të zhvillohen në gjuhën italiane.

ZV/REKTORI
PROF. TRITAN SHÇITLI

